



Zawlbuk sak chhonzawm a ni

Chanmari West, March 11: Kan vengin punkhawmna tura kan neih that ber indoor stadium chu function neihna atan chuan hman tak tak a tlak loh avangin, Branch YMA chuan kan hriat angin park thlangah Zawlbuk a sa ta mup mup mai a ni. Kum 2012 atan Zawlbuk Working Committee a din a, anni hmang hian chak taka hmalak mek a ni a, Work supervisor atan Pu C. Liansanga ruat a ni. Zawlbuk Working Committee secretary Pu Lalrnlina (Sir Tea) hnen atang thudawn danin: tun thleng hian a sak tirh atang khan Rs 28,63,765.00 hman a ni tawh a, chu chuan kan hmuh ang hian hall tha tak kan sa mek a. Nikuma pawh khan Branch YMA inthlanna atan kan hman tawh kha.

Sir Tea sawi zel dan chuan: tunah hian Pawisa fai Rs 1,40,000.00 a la awm a, amaherawhchu hnathawh kal lai mek anih avangin hman reng zel a ni. Kuminah hian hnatlang tum li (4) neih tawh a ni a, section hrang hrang

hnatlang kal dan pawh hetiang hi a ni, Neuva Section - 21, Taitesena section - 21, Chawngbawla section - 14, Vanapa section - 25 leh Khuangchera section - 44 te an ni.

Bialtu MLA, Pu Lalthanzara MLA Fund Rs 75,000.00 hmuh tawh a ni a, hetiang zat bawh hi hmuh leh tura beisei a ni. A chungah pawh hian Branch Committee chuan lawmthu an sawi a ni.

Hmalakna tur ruahmanah chuan garrage chungah hian motor luh theihna tur siam a, tin, zawlbuk kawmchhak tluan hi 8ft a laih zauh pheih a, retaining wall rem a, ban pathum phun a, slab chhun tum a la ni bawh a ni.

NGENNA

Kan hriat theuh angin Kum 2015 hi kan branch YMA-in kum 25na tur a lo ni ve ta reng mai a. Branch YMA pawh he hun lawm tur hian a inbuatsaih mek a ni a. Chumi a tan chuan Documentation Sub-committee dinin, anni hian hma an la chho mek a. Tunah hian thlalak hluite lakkhawm mek a ni a, vengchhung mipui, Chanmari West History tilang thei thlalak nei apiangte hnenah in thlalak hlui neih ang angtel thawhkhawm turin kan han ngen ngawt mai che u a ni e. Heng thlalak te hi Scan anih hnuah a neitute hnenah pek let leh vek tur a ni e.

Pu Lalrnlina (Sir Tea), Chairman emaw Tv Zothankima, Secretary hnenah emaw in hriattir/pek theih a nih chuan a lawmawm hle ang.

(ZOTHANKIMA)
Secretary

Badminton Club

Chanmari West Badminton Club chuan Indoor Stadium-ah Ni 20.3.2012 (Thawhle) zing dar 6:00 a tournamen hawna a nei dawn a, a tel tur zawng zawngte chu kim taka kal vek tur a ni.

Local Council News

Ni 24.3.2012 (Inrinni) ral hmian Chanmari West Local Council huam chhunga Biakkingi Gas Service-a connection nei te leh hmundanga Gas connection nei te, consumer card kengin, house No leh chhungkaw hotu hming nen a hnuai tarlanah hian in report vek tur a ni.

1. CH sect - Pu C. Lalmuanpuia
2. V Sect - Pu H. Vanlalvena
3. N Sect - Pu Lalliansangpuia
4. K Sect - Pu RL. Thanhnuna
5. T Sect - Pu H. Lalramhluna

Ni 10.3.2012 (Inrinni) khan runthlak hnatlang neih a ni a, Kawipui side drain motor tlak theihna siamthat a ni. Heng a hnuai mite hian tanpuina an pe a, an chungah Local Council chuan lawmthu a sawi.

1. Pu R.Rokima - Rs.1000
2. Pu Lalchhandama Ralte - Rs 1000
3. Pu lalbiakthanga Kiangte- Rs 750
4. Pu V. Lianzinga - Rs 500
5. Pu JH. Lalzarmawia - Rs 500
6. Pu Vanlalhnema - Rs 200
7. Tv. Lalsawmzuala - Rs 600
8. NI. Lalhminghlui Renthlei - Rs 500
9. Pu Lalchhanhima - Rs 500

Branch News

Karleh Ni 20.3.2012 (Thawhle) zan khian Branch Executive Committee meeting tum a ni.

YMA Census la ti fel lo ten naktuk aia tlai lovah tih fel tum hram nise.

YMA Information Centre chu YMAAw chhutna atan siamthat mek a ni.

Kan veng atanga pem chhuak tur ten pem lehkhama man Rs 5/- ken zel tur a ni e.

Ni 13.3.2012 zingkar khan Zawlbuk hnatlang neih a ni a, member 52 thawhchhuah a ni. Hnatlangte tana tui pe a, bawhlhlawh thian thintu Pu Remruata Hauzel "N" te chungah Committee chuan lawmthu a sawi.

LUSUN KHAWHAR

Ni 15.3.2012 zan khan Lalchhanchhuaha thla 6 S/o Lalrinzuala 'K' Section chu a boral a, lusun chhungte kan tawrhpu tak zet a ni.

PEMLUT

Heng mite hi kan vengah an rawn pem a, mi tha tak an nih zel kan beisei.

1. C.Lalremsiama te chhung Aizawl Venglai atangin Pu Mathew-a 'V' Section te In-ah

2. Lalremmawii te unau Mamit Hmarveng atangin Pu Lalpianthanga 'V' Section te In-ah.

RED RIBBON FOOTBALL

Local Council football team chuan ni 13.3.2012 (Thawhle) khan Durtlang field-ah Buhban chu 1-0 in an hneh, Players kalna tura motor thawhtu Pu C. Thanchungnunga 'V' Sect chungah Local Council chuan lawmthu an sawi. Nimin khan Zawlnuam Thuampui veng nen an inkhel a, an result kan hre hman ta lo.



TUNKAR CHANGVAWN

"Lalpa, Lalpa mi ti nazawng chu van ramah an lut lo vang a; ka Pa vana mi duhzawng titu erawh chu an lut ang."

Matt 6:21

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalmachhuana	9436151817

Branch Office Bearer

President	T. Ngurkhuma	9436190843
Vice President	R. Lalmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Editorial :

Tunlai hian khua a ro ta hle mai a, kan mei a hlauhawm avangin fimkhur tlang ila a tha khawp ang. Motor accident lah chu hriat tur a awm reng mai si a, lirthei khalhtu te fimkhur pawh angai hle a ni. Kum tha lo kan hmang pawh ani mai thei. Heng chhiatna hrang hrang thleng thin hi fimkhur loh vang a awm fo a, inthlahdah vang te pawh a ni thin, a tur ve reng anga ngaih ngawt chu a fuh lovang, fimkhur ang u.

Zawlbuk sak mekah hian tihdan thar tak awm thei se a duhawm hle. Sum hmuh theihna tur pawh dap thiam a, a ti thei tur pawh zawn thiam a, a ngaihna hria pawh kan mamawh hle niin a lang. Tha takin kan puitlin lovang tih a hlauhawm tlat. A hunlaia a tha thei ang ber zel tum thin baw k ila a fuh khawp ang.

Local Council-ah sawrkarna chelh lo lam kan thlang tling a, sawrkar nen tha takin thawk dun thiam se, sawrkar hma lo lak thawhna pawh tha takin an kalpui zel turah ngai ila. Chutiang atan a thu tha Dr. Zuala zia k hi chhiar ngei chi, Council member leh mipuite pawhin. Sawrkar atangin advertisement kan hmu a, thu kan nei tam thei lova, min hrethiam teh u.

2012 Thuvawn

I awmdan tur chu LALPA chungah ngat la; Amah chu ring la, aman a ti vek ang.

Article : Local Council tha i siam ang u.

- Dr. Hmingthanzuala

Kan khawtlang roreltu tur Local Council member kan lo thlang zo ta. Party hrang hrang atangin kan inchuh a, kan thlan tlin te hi party ta mai ni lovin Chanmari West mipuite chungang roreltu tur an ni tih hre renga thlan tlin te hian ro an rel a duhawm hle ang.

Democracy Sorkarah chuan rorelna tha siam tur chuan mitinte huapzo, a tam ber lungualna, thlei bik neih lohna, rorelna lang tlang leh awmze nei leh chak, mawhphurhna hlen chhuak thei, MLA te leh Ward Councillor te thawhpui thiam leh dan anga rorelna keng tlang ngam an nih angai.

Hei hian a chung lama rorel theitu te bakah pawl hrang hrang, Sorkar Department hrang hrang, Voluntary Organisatin te thawhpui thiam angai. Entiran, MUP, MHIP, VDP, YMA, BPL te hi kan area-ah chuan a langsar zual an ni ang. Hengte nena thawhonaah Local Council ti danglam thei leh ti hmelhem thei tur lakah erawh chuan an inven thiam angai a ni.

Vengpum huap thil tha ber an ngaihtuahna kawnga hmalakna daltu an

(Dr. Hmingthanzuala hian IGNOU atanga MA result chhuakah MA(Edn) !st class ah a passed a, kan chhuangin, kan lawmpui e, Ed bd)

awm anih pawhin thiam taka sawipui a, an thuneihna hman a tul pawh a hmang ngam nih a ngai lawi si. Mi rethei leh harsate chanvo fel taka enkawla humhalh angai a. Hleih bik nei lova sem zai thiam pawh angai thin.

Vengchung hmasawna tur ngaihtuahna senga an tha leh zung thawh tura mipui rilru chawhphur thiam a tul dawn a, Sorkara thil dil tur a awm pawh a plan & estimate(ruahmanna) felfai tak siam a tha fo. Mi hmasate hmalak tawhna chhunzawm duh lova hma thar reh fo hi hmasawna daltu-ah a tang duh thin.

Ram leh veng hmasawna tur anih phawt chuan Sorkar budget bakah Central leh NEC sum hai chhuah thiam a tangkai hle ang. Hetiang kawnga hmala thiam Local Council kan neih theih nan duhsakna sang ber mipuiin i hlan theuh ang u. Khawtlang rorelna tha siam tur hian thlan tlin te chauh ni lovin, mipuite pawh hi a mawhphurtu kan ni tih i hre reng ang u. Mahni theihna kawng kawnga tanpui leh thurawn pek hreh lovin i tawiawm theuh ang u.

YMA LIFE MEMBER LIST, NEUVA SECTION

Sl/No	Hming	Nu / Pa hming	Number
1.	S.Lalsangliana	J.Thangmurha (L)	4000
2.	Lalthanzuali	W/o Lianphunga	3999
3.	Zaithanmawia	Lalduha(L)	
4.	R.Lalhlipua	R.Pachhunga	3997
5.	R.Lalchawimawii	R.Pachhunga	3996
6.	H.Suana	HZ Vunga(L)	
7.	Lalrintluangi	W/o H.Suana	
8.	Zohmingthangi	R.Thangseia(L)	
9.	Lalzawma	Sawiluaia(L)	3994
10.	Lalthlamuani	W/o Lalzawma	3995
11.	Lalremruata	Lalrinawma	4001
12.	Lalrinchhana	Rodinga (L)	
13.	H.Vanlalduata	Thangleha (L)	1580
14.	K.Lalrammawii	Maj K.Thangkima	6379
15.	Jakob Lalrinsanga	J.Mankima(L)	6380
16.	Lalthanruma	Sanghnuna (L)	
17.	K.Lalchullova	K.Thangdailova	6875
18.	Vanlalvuana	Sanglura(L)	7523
19.	JH Hmingthanchuanga	Zobuaia(L)	

Phone Bo

Ni 16.3.2012 zan dar 7:30- 8:00 bawr vel khan ka Phone NOKIA 3600 (A sen leh var) chu Salvation BiakIn leh LM Primary School inkarah ka ti bova, a lo hmu chuan Phone No.9862326628 - ah hian minrawn hriattir thei ula ka lawm em em ang.

Life Member list a tel lo leh number tarlan lohte hian Branch Secretary hnenah in hriattir turin kan inngen e.

CHAWNGBAWLA

☞ Tun dinhmun a chhياتni Fund luh tawh dan chu a tha thawkhat hle a, chhungkaw 225 atangin Rs 54,175/- a lut tawh a ni.

☞ Tun chawlhni tlai inkhawm ban hian section Meeting Pu Lalruatsanga inah neih tum a ni.

☞ Local Councilin kawipui kawr an siam tha chu lawmawm an ti, veng tha zel turin an inchah.

KHUANGCHERA

☞ Ni 16.3.2012 khan an hruaitu Lalremruatin mel 8 lam a Kohhran dan thianghlina pasal tha tak a nei chu an chhuangin an lawmpui tak meuh meuh a, Section hminga lawmpuina thilpek hlan a ni bawk.

☞ Lusun khawhar chhhungte an tawrhui tak zet

☞ Hruaitu te chhياتni, mitthi lumen, thlanlaih, khawharin kal leh YMA hmalakna hrang hrang ah member te hruai tu tur kan ni tih hria a thahnemngai leh zual turin an inngen.

☞ Bial vawngtu te YMA AW man a rang lama khawn fel turin an in hriattir. Red Ribbon Inter Village Football tournament neih mek a Chanmari West tana sum leh pai beisei lova theihtawp chhuahtu te an chhuang hle, an section member eng emaw zat an tel chu an chhuang hle.

☞ Section bungraw hawhtu ten mahni ta a ni tih hria a uluk leh dimdawih taka bungrua enkawl thin turin an in hriattir.

TAITESENA

☞ Ni 30.3.2012 (zirtawpni) zan hian Fresher Social neih tur a ni a, member te hunawl lo insiam turin an in hriattir.

☞ An Asst. Secretary Lalbiaksanga damlo pawh a dam thuai an duhsak hle.

☞ Chhياتni Fund Rs 50800 khawn tawh niin chhungtin ten chhياتni Fund leh YMA AW man ngaipawimawh a tifel thuai turin an inngen.

VANAPA

☞ Sumtuakna turin Nimbu tui leh Hatkora tui an rawn zuar dawn a chhungtin ten lo ngaipawimawh a lo leisak hram turin an inngen. Inrinni zingkar khan veng chung Bazar ah zawrh hnatlang a ni.

☞ Pu C.Chawiliana te damlohna avangin ningani khan Vellore lam an pan. Pi Lianzothangi, Pi Biakmawiite in lamah an inenkawl mek, Pi Didini Durtlang lamah an la awm mek bawk.

☞ Pu R.Lalremsiana (RSA) te pawhin tupa an nei thar.

NEUVA

☞ Dt. 13-14.3.2012 zan khan Passport photo siama sumtuakna section huamchhungah neih a ni a, Thlalak lo siamtirtu zawng zawngte chungah leh member thawk chhuak te chung ah lawmthu an sawi a, hun remchang ah hnatlang hi chhunzawm leh tur a ni.

☞ Dt. 17.3.2012 nileng khan property check leh Kuang duan hnatlang neih a ni a.

☞ Sumtuak nan Blanket su tura hmalak mek a ni.

☞ Section bungrua te hi kan ta vek a ni tih hria in uluk leh dimdawih taka enkawl turin an in hriattir.

☞ An hruaitu lo ni thin Pu R. Lalhlimpua chu PHE Dept.-ah JE hna nghet a hmu chu an lawmpui hle.

☞ Section chung hmun thenkhat ah Bawlhhlawh tin khai a ni a, dim tak leh tangkai taka hming theuh turin an in ngen.

☞ Chhungtin ten chhياتni Fund ngaipawimawh theuh turin an in ngen, In luatur nei ten Cental YMA in a siam pem lehkhaneite chauh in luattir tura hriattir leh ngen an ni e

MHIP NEWS

☞ Ni 12.3.2012 (zirtawpni) zan a Branch Committee meeting chuan kar khatah Nilaini zel hi **PUAN BIH** ni atan a rawt a, member zawng zawngten zawm theuh turin an ngen.

☞ Tailoring Training Instuctor tur pawh lak fel tawh a ni.

☞ Handloom training centre din tumin hmalak mek a niin, UD&PA ah thehluh a ni.

☞ Branch YMA-in kuang tuamna thui tura a ngenna chu tih ngei nise tih a ni.

KEIMAHNI

☞ Kan Circulation manager Tv. EVL. Hruaitluanga pawh Champhai lamah Volleyball khelin a zin a, champion team-ah a tel a, kan chhuang hle.

☞ LAD atanga Advertisement min hmuh saktu Pu Lalramhluna Hauhna, Branch Executive member chungah kan lawm a, a tul ang ang min buaipui saktu Tv. Zaita Branch Asst. Secretary chungah leh News Editor Tv Masangtea chungah pawh lawmthu kan sawi.

☞ Kan chanchinbu chhutnaah Tv Mawia 'CH' Section Secy leh Tv Hmingthana 'V' Section Secy ten min tawiam thei a, nuam kan tih pah hle.

HETAH HIAN SMS LA

>>9862358337<<

☞ Kawipui leh a bul vela ui ek te hi a neitute'n then nachang i hria ang u.

94363----70

☞ Red Ribbon Inter-Village Football-a Chanmari West tana kheltute in va chhuanaawm tak em! Veng tana in theihna, in hun hlu tak seng a, veng hmangaihna nena mahni veng hming ngei a in khel hi in fakawm tak zet a ni.

98624----80

☞ Thuneitute'n Gas Card an siam that leh hunah chuan, Card No. kha khawl chhut hmang hram tawh ang u, kan buai zui tawh loh nan.

98628----24

☞ Veng dang Bike bengchheng kan vei rual hian kan veng chhungah hian hetiang Bike nei hi eng zat tak awm ang maw?

98623----92

(SMS kan dawn te hi Ed. Bd ngaihdan a ni vek kher lo)

CWSC volleyball

Thanghlianga Sailo Lal Memorial Volleyball Tournament, Champhai Tlangramah chhuah a ni. TNT nen final khelin, 3-1 a hnehna changin an Champion a, Trophy, Pawisa fai leh Medal an dawng.

Heng mite hian tournament chhuah theihna turin tanpuina an pe a, an chungah lawmthu an sawi.

RK Rozidinga (T), Zalianmawii (k) New Horizon School, R. Rokima (CH) Lalchhandama Ralte, D. Kapa (CH) S. Lalsangliana (N), C. Sangkhuma (T) Lalbiakkima Sailo(T), C. Zonunsanga (T) C. Lalzarliana (CH), Sangkhuma (CH) J. Lalremruata (K), Speed auto Parts Lalrinchhana (ELAR), Vanlalruata (T) Dr. Lalramliana (CH), Lalnunsanga (N) H. Vanlalduata (N), Remsangpuia (V) Zothansanga Tochwawng (N)

Crown Computers, Lalramengzami (V) T. Lalthangfala (V), HVL Zasanga (N) Lalnunmawia (CH), Lalmalsawma (CH)

Pu Ropara, K-Section in Aizawl atanga Champhai kal leh haw nana Sumo tawm taka a hman tir avangin a chungah lawmthu an sawi bawk a ni.

Chanmari West Veng pa Pu H.C Sanglura S/o Remzovi (K-Sect) te nupa in inkhelh chhung zawng, champhai atanga tlawngam kal leh haw nan an Motor leh an fapa H.C Lallawmsanga an thawhchhuah tir thei reng chu an lawm hle. Hei bakah hian Chawei a lo siam sak a, Volleyball Team te Rihdil ah ala hruai leh zel avangin an lawm tak zet a ni.

KANG MEI CHHUAK TUR I VENG ANG U

**KANG MEI CHHUAK THEI VEN
KAWNGAH MITIN KAN PAWIMAWH VEK.**

**KANG MEI TICHHUAK TUTE HI VILLAGE
COUNCIL IN LEI A CHAWITIR THEI.**

**THING I PHUN REMCHANG LO A NIH
PAWHIN A TICHHEREU THEITU MEI LAKAH
FIMKHUR LA, RAMNGAW I HUMHALH TIHNA
A LO NI ANG.**

**RAM HMANGAIHTU NIH A TAKA LANTIRNA
AWLSAM TAK CHU KANGMEI TICHHUAK LO
TURA FIMKHUR HI A NI.**

Issued by

LOCAL ADMINISTRATION DEPARTMENT

IPR - 584

(1-1)